

廣三大家絕句

13
979



979

宋 范石湖 楊誠齋 陸放翁



廣三大家絕句

天民 五山 兩先生同輯 江戶書肆 石叢堂 同刻

先是詩佛綠陰同編南宋之
家絕句其時也後生狂追唐明
之腐臭而未熟之家之滋味者
多勢不得示奇險而憚厭
其膽矣方余續以妙絕之編也
後生稍知三家可尚而於苦門
闕去高蹈不易踰者多勢不

廣三大家絕句序

得不亦平坦而圓滑乎手矣其
所采摘雖有小異至其教人
知得本性情趣尚清新乎旨一
也頃訪佛王山又出示此詩亦
受閱之蓋務捉撫他人口頭
所不到而三家易言之者以示
韓旋之妙至誘掖後生可

謂盡心矣然自亦其才力與作
者齊去採擷精華安孤如
此哉奈於是益信二子錦心
繡腸名車拜當世之有素也
夫天地日新萬象皆詩於且不
能上口者際由韓旋不以法也
自今而後習讀前二編者重

卷之二 家祭台 序

就此編而練熟則獨運自在
清新日出二子之門濟接武
余亦將刮目而待之
文化壬申重陽後三日寬齋
老人河世寧撰

門人島親長書

癸亥歲行與綠陰相謀鑄范揚陸三家絕
句每家百篇詩合三百北翁序之遠近爭
購家有其書李家唐詩殆幾於亡丁卯歲
寬翁再纂三家妙絕採拾其遺使行序之
桐孫暨如亭跋之又為詩三百篇什既富
亦可以止矣桐孫兩人猶不知廢共搜遺
之又遺者更錄詩三百名曰廣三家絕句
但急於應請益者不遑顧繼富之誦也通

前二書詩九九百初學新進宜母辭而與鄉黨隣里受讀之

壬申九日 大窪行 同識 池桐孫

[Faint bleed-through text from the reverse side of the page]

廣三大家絕句

天正十五年二月
花房仙大宛行

詩佛 大窪行

五山 池桐孫

同選

范石湖

續長恨歌 原七

人似飛花去不歸
蘭昌宮殿幾斜暉
百年只有雲容
姊留得當年舊舞衣
帝鄉雲馭若為留
八景三清好在
不玉笛不隨雙鶴
去人間猶得聽梁州

雷雨隣舍起龍

廣三大家絕句

石湖

雨工避事，欲蟠泥。帝遣豐隆，執以歸。連鼓一聲，人失箸。不知挂壁，幾梭飛。

金陵道中

山晚黃羊隨日下，天寒白犢弄風歸。愁埃百轉西州路，笑憶沙湖一棹飛。

欲雪

烏鴉撩亂舞黃雲，樓上飛花已唾人。說與江梅須早計，馮夷無賴欲爭春。

春晚即事

屋頭清樾暗荆扉，紫萼爛斑翠莢肥。春晚軒窗人獨

困日長，籬落燕雙飛。

次韻漢卿舅臘梅 原二

緗袂朝天紫錦裳，光風微度絳霄香。壽陽信美無仙骨，空把心情學澹妝。

宿東寺 原二

淡天如水霧如塵，殘雪和霜凍瓦鱗。織女無言千古恨，素娥有意十分春。

白雲泉 泉色正白 蓋乳泉

龍頭高啄嗽飛流，玉醴甘渾乳氣浮。捫腹煮泉烹鬪脍，真成騎鶴上揚州。

龍母廟燈照

孝龍分職，繇湘西天許，寧親歲一歸，風電春春損，桃李山中寒食尚，冬衣

客舍

轂擊肩摩，錦繡堆朝聲，洶洶暮聲，摧忽然憶起，長橋路天鏡無邊白鳥迴

偶書

出處由人不繫天，癡兒富貴更求仙，東家就食西家宿，世事何緣得兩全

病中絕句

原八

盆傾瓶建夜翻渠，繞屋蛙聲一倍粗，想見西堂渾不睡，明朝踏溼看菖蒲

高景庵泉亭

峰頭揮手笑紅塵，天入雙眸洗翳昏，萬里西風熟杭稻，白雲堆裏著黃雲

元夕泊舟雪川

蓮炬光中月自圓，人情草草競華年，最憐一夜旗亭鼓，能共鐘聲到客船

桐川郡圃梅極盛皆圍抱高木浙中無有

家住丹楓白葦林，橫枝一笑萬黃金，玉溪園裏逢千

樹還盡，春風未足心。

送端言

東君留戀一分春，蜂蝶闌珊燕子新。桃李無情空綠
徑，市橋楊柳送行人。

雨涼二首呈宗偉

誰扶病客起龍鐘，恩在盆傾一雨中。問訊九關何路
到，凝賤歡喜謝天公。

從宗偉乞冬筍山藥

竹塢撥沙，犀頂銳藥畦粘土，玉肌豐裹茅束，緼能分
似政及菜蕪甌釜空。

五月聞鶯原二

一聲初上最高枝，忙殺嘔啞百舌兒。老盡西園千樹
綠，却憐槐眼正迷離。

九月十日南山見梅

五斗留連首屢回，來尋南澗濯塵埃。春風直恐淵明
去，借與橫斜對菊開。

次韻樂先生吳中見寄原八

送春濛雨漲蘋灘，荷葉田田柳絮闌。想見垂虹三萬
頃，拍天湖水釣絲寒。

粟囊聊復寄三餐，埋沒緇塵懶濯冠。紅紫百般紛過

眼，鄉山歲晚自蒼官。
次韻孫長文泊姑蘇館。

讀書窗下一燈殘，忽有詩來為煖寒。
聞道扁舟春共載，雪雲雖冷不相干。

孟嶠之家，姬乞題扇。原七

翠袖凌寒弄月明，梅花影下醉三更。
一天風露誰驚覺，寂寞空盃綴落英。

春日 原三

雙鯉無書直萬金，畫橋新綠一篙深。
青蘋白芷皆愁思，不獨江楓動客心。

採蓮 原三

藕花深處好徘徊，不奈華筵苦見催。
記取南溟菱菜露，月明風熟更重來。

渡淮 八月十一日渡盱眙，過泗州，順風如飛。

船旗袞袞徑長淮，汴口人看撥不開。
昨夜南風浪如屋，果然雙節下天來。

雷萬春墓 在南京城南環以一小墻，榜曰忠勇雷公之墓。

九隕元身不隕名，言言千載氣如生。
欲知忠信行，豈貽過墓胡兒下馬行。

宜春苑 在舊宋門外，俗名東御園。

狐塚獲蹊滿路隅行人猶作御園呼連昌尚有花臨
砌腸斷宜春寸草無

京城

倚天櫺櫺萬樓棚聖代規模若化成如許金湯尚資
盜古來李勣勝長城

相國寺

寺榜猶祐陵御書寺中雜貨皆胡俗所需而已

傾檐缺吻護奎文金碧浮圖暗古塵聞說今朝恰開
寺羊裘狼帽趁時新

宣德樓

實加崇堦偽改曰承天門

崑關叢霄舊玉京御牀忽有犬羊鳴他年若作清宮

使不挽天河洗不清

壺春堂

掖廟稱道君時所居在額芳園中俗呼為八滴水閣者

松漠丹成去不歸龍髯無復有攀時芳園留得觚稜
在長與都人作淚垂

漸水

黃河將決其地則伏流先出名曰漸水河身日徙而南過封丘至昨城界中已有漸水去汴京大

約五十里耳

黃流日夜向南風道出封丘處處逢紫蓋黃旗在湖
海故應河伯欲朝宗

文王廟

在蔓里城南

堂堂十亂欲興周肯使君王死作囚巧笑入宮天亦

笑可憐元不費深謀

秦樓

在相州寺中上有貴人幕而觀使客云是

於他

欄街看幕似春遊斑犢雕車碧畫油奚女家人稱貴

主縷金長袖倚秦樓

七十二塚

在講武城外曹操疑塚也森

一棺何用塚如林誰復如公負此心聞說羣胡為封

土世間隨事有知音

趙故城

在邯鄲縣南

金石笙篁絕代無魁魁藜藿正乘除園翁但愛城泥

煖侵早鋤霜種晚蔬

藺相如墓

在邯鄲縣南

玉節經行虜障深馬頭醞酒真疎林茲行壁重身如

紫天日應臨慕蘭心

邢臺驛

信德府驛也去太行最近城外

太行東麓照邢州萬壘煙螺紫翠浮誰解登臨管風

物枯荷老柳替人愁

大寧河

在內丘北河之東昔

梨棗從來數內丘大寧河畔果園稠荊箱擾擾欄街

賣紅皺黃團滿店頭

北人謂道上

石湖

光武廟在柏鄉北兩壁有二十八將像廟前有石人皆自腰而斷俗傳光武夜過以爲生人問途不應劍斬之云

雲臺列像拱真人野老猶誇建武春不用劍鋒能制石冰河一瞥已通神

呼范河即光武渡冰處在真定南五里

聞道河神解造冰曾扶陽九見中興如今爛被胡纏宛不似滄浪可濯纓

范陽驛涿州驛牆外有尼寺二餘塔夾塗如雪俯瞰驛中

郵亭偏仄但宜冬恰似披裘坐土空枕上驚回丹闕夢屋頭白塔滿鈴風

燕賓館燕山城外館也至是適以重陽虜重望諸山皆緜云初六日大雪

九日朝天種落驩也將佳節勸盃盤苦寒不似東籬下雪滿西山把菊看

燕宮宏修過并京場王亮所作

金盆濯足段文昌乞索家風飽便忘他日楚人能一炬又從焦土說阿房

會同館燕山客館也授館之明日守吏微言有議留使人者

萬里孤臣致命秋此身何止一漚浮提攜漢節同生死休問羴羊解乳不

偶題

檐雨初乾團扇風夕陽芳樹綠蔥蔥蕉心榴萼俱無
賴要與春衫相並紅

去年過弋陽訪趙恂道通判話西湖舊遊因題
小詩近忽刻石寄來謾錄

紅塵寶馬碧湖船一夢如今費十年却照清溪尋綠
鬢但餘衰雪兩蕭然

喜雪示桂人

臘雪同雲嶺外稀南人北客盡冬衣從今老杜詩猶
信梅片飛時雪也飛

次韻趙養民碧虛坐上

已將山色染眉黛更挽江波添酒壘珍重江山勸人
醉笑人驅馬惺惺回

清湘驛送王柳州南歸二絕

南歸北去路茫茫不是行人也斷腸可惜湘江春夜
月落花時節照離觴

初泛瀟湘

六槩齊飛急下灘碧琉璃上雪花翻越來溪色清如
此只欠磯頭一釣竿

大波林

湖路荒寒又險艱，大千空水我居間。
篙師晚始分南北，指點青青漢口山。

夔州竹枝歌 原九

百衲畚山青，間紅粟莖成穗。
豆成叢，東屯平田杭米軟，不到貧人飯甑中。
當筵女兒歌竹枝，一聲三疊客忘歸。
萬里橋邊有船到，繡羅衣服生光輝。

隣山縣

山項嗟雲黑，似煙修篁高柳共昏然。
鳥啼一夜勸歸去，誰道東川無杜鵑。

初四日東郊觀麥苗

閏歲秋霖麥下遲，臘殘一雪潤無泥。
相持飽喫滄茫飯，來聽林間快活啼。

納涼

雨洗新秋夜氣清，悴肌無汗葛衣輕。
畫檐分月下西壁，絡緯飛來庭樹鳴。

無題

聞道明朝送舊官，無情更鼓夜將闌。
此生見面知何日，忍淚須臾子細看。

春晚初出西樓

試倚枯藤似籬，雲堂階微步小，逡巡忽逢巖桂，新抽
葉，屈指黃紬睡一春。

范氏莊園

夕陽塵土漲郊墟，六六峰頭夢覺餘，竹色喚人來下
馬，亂蟬深處有圖書。

題譚德稱扇

德稱與楊商卿父子送余遠至瀘
合江以扇求詩各為題一絕

蠻風吹雨瘴江肥，短草荒山鳥不飛，盡是瀘南腸斷
句，如今分與故人歸。

題楊商卿扇

君歸我去兩銷魂，愁滿千山鎖瘴雲，後夜短檠風雨

暗誰能相伴，細論文。

妃子園

中之最也

涪陵荔子天寶所貢去州里所有此園
然峽中荔子不及閩中遠甚陳紫又閩

露蒸風枝驛騎傳，華清天上二嫣然，當時若識陳家
紫，何處蠻村更有園。

守風嘲舟子

奪命稠灘百戰餘，守風端坐恰乘除，日長飽飯佳眠
覺，閒傍蘆花學釣魚。

秋前三日大雨

暑殘堪喜亦堪憎，恰似沙場喋血兵，縱有背城餘燼

在能禁幾度漏檐聲

冬至晚起枕上有懷晉陵楊使君

多稼亭邊有所思
冬來懶却幾行髭
也應坐擁黃紬被
斷角孤鴻總要詩

戲贈脚婆

日滿東窗照被堆
宿宵猶自煖如煨
尺三汗脚君休笑
曾踏鞞霜待漏來

秀州門外泊舟

拍岸清波撲岸埃
黑頭霜鬢幾衰徊
禾與門外官楊柳
又見扁舟上堰來

次韻汪仲嘉尚書喜雨原二

老身窮苦不須憂
未有毫分慰此州
但得田間無歎息
何須地上見錢流

進修堂前荷池

方池留水勝埋盆
露入蓮腮沁粉痕
鈴索無聲人不
到小禽飛入鬧荷根

九月五日晴煖步後園

海氣烘晴入斷霞
半空雲影界山斜
輕羅小扇遊蜂
畔只比東風有菊花

九日憶菊坡

菊坡長恨隔橫塘，城郭山林自不雙。
放棹松江花已遠，濤江之外更鄞江。

真瑞堂前丹桂

官忙風月鎮長閒，開遍香紅酒尚寒。
若要與花相領略，千巖隨分有闌干。
石湖千巖觀前手植丹桂二畝

雪後雨作

瑞紫飛來麥已青，更煩膏雨發欣榮。
東風不是厭滕六，却怕雪天容易晴。

將赴建康出城

牒訴繽紛塞甕天，經年癡坐兩三椽。
出門納納乾坤

大依舊青山繞畫船

玉麟堂會諸司觀牡丹醖醑

原三

洛園姚魏碧雲愁，風物江東亦上游。
憶起遨頭八年夢，彭州花檻滿西樓。

莫向花前惜酒盃，一年一度有花開。
浮生滿百今強半，歲歲看花得幾回。

次韻曾仲躬侍郎同登伏龜樓

原二

古來遊客漫西東，領會誰如我與公。
露坐繩牀天不盡，絕勝簾雨棟雲中。

案上梅花

原二

南坡玉雪萬花團，舊約東風載酒看。
冷落銅瓶一枝亞，今年天女亦酸寒。

古梅

原二

誰似西湖處士才，詩中籬落久塵埃。
陸郎舊有梅花課，未見今年句子來。

喜周妹自四明到

團藥話裏老龐衰，一妹仍從海浦來。
孤苦尚餘兄弟樂，如今雖病也眉開。

元夕

原四

粉痕紅點萬花攢，玉氣珠光寶月圓。
簾箔通明香似

霧東君無處著春寒

謂吳中剪羅琉璃二燈

不夜城中陸地蓮，小梅初破月初圓。
新年第一佳時節，誰肯如翁閉戶眠。

次韻藤養正中秋無月

原三

詞客幕天清露下，老翁卧病破窗中。
高吟大醉輸公等，不見嫦娥與我同。

夜坐有感

靜夜家家閉戶眠，滿城風雨驟寒天。
誰呼賣卜誰家子，想欠明朝糴米錢。

初夏三絕呈游子明王仲顯

石湖

十四

送春迎夏未聞雷，日日斜風細雨來。不是故人能裹飯，柴門雖設為誰開。

立秋 原二

三伏熏蒸四大愁，暑中方信此生浮。歲華過半休惆悵，且對西風賀立秋。

古鼎作香爐

雲雷縈帶古文章，子子孫孫永奉常。辛苦勒銘成底事，如今流落管燒香。

晚思

蘚牆莎砌響幽蟲，睡起緜書覺夢中。殘暑一窗風不

動秋陽入竹碎，青紅

宿妙庭觀次東坡舊韻

桂殿吹笙夜不歸，蘇仙詩板桂空悲。世人欲鼎何須笑，猶勝先生夢石芝。

自嘲 原二

終日嘵嘵漫說空，觸來依舊與爭鋒。登時覺悟忙收拾，已是開黎飯後鐘。

次王正之提刑韻，謝表起巖知府，送茉莉二檻，千里移根自海隅。風颿破浪走天吳，散花忽到毘耶室。似欲橫機試病夫。

燕寢香中暑氣清，更煩雲鬢插瓊英。明妝暗麝俱傾國，莫與磬仙品弟兄。

放下庵即事 原三

病後天魔不戰降，夢中千頃白鷗江。心空境寂聲塵盡，却愛秋蠅撲紙窗。

寄題西湖并送淨慈願老 原三

青肯泉石痛煙霞，半世遊山不著家。老入蒲團三昧定，坐看穿膝長蘆芽。

重陽不見菊 原二

節物今年事事遲，小春全未到東籬。可憐短髮空歌

帽，欠了黃花一兩枝。

次韻徐提舉游石湖 原三

三徑荒蕪岫幌開，錦車何事肯來徊。春風想為高人住，落絮殘花好在哉。

黃三才家集
石湖
其

Table with 10 vertical columns and 10 horizontal rows, containing faint bleed-through text from the reverse side of the page.

廣三大家絕句

五山 池桐孫

詩佛 大窪行 同選

楊誠齋

同君俞季永步至普濟寺晚泛西湖以歸得四

絕句以下江

西湖雖老為人容不必花時十里紅卷取郭熙真水

墨枯荷折葦小霜風

曲曲都城綠翠微鱗鱗湖浪動斜暉天寒日暮遊人

少兩岸輕舟星散歸

早後喜雨原四

檢校西疇首忍田雨佳小恨較遲來抄雲浙玉何曾
夢只擬禾孫作粥材

和子上弟春電

電子何孤竹屋聲只於花事較無情青春已在殘紅
裏更著渠儂何似生

跋蜀人魏致堯撫幹萬言書

雨裏短檠頭似雪客間長鉢食無魚上書慟哭君何
苦政是時人重子虛

將至建昌

梅雨芹泥路不佳悶來小歇野人家綠萍池沼垂楊
裏初見芙蓉第一花

過蕉坑

楓葉乾餘尚小紅茗花飛盡不留茸經旬欲雪還無
雪只作清寒惱殺儂

夏月頻雨

一番暑雨一番涼真箇令人愛日長隔水風來知有
意為吹十里稻花香

新秋盛熱

度夏今年未覺難那知秋熱政無端晚林不動蟬聲

苦蟬亦無風，可得餐。

雨裏問訊張定叟通判西園杏花原二

白白紅紅一樹春，晴光炫眼看難真。無端昨夜蕭蕭雨，細錦全機卸作茵。

訪周仲覺夜宿南嶺，月色粲然曉起路溼，聞有夜雨。

夜晴那得曉來泥，纔見金鉉浴紺池。一陣五更松上雨，元來未睡著不曾知。

觀陂水

波緩漚遲似讓行，忽然赴壑怒還生。東歸到底誰先

後何用爭流作許聲。

春寒絕句

幾絲微雨暝前山，半點輕寒健牡丹。只道一春晴較少，到它晴了是春殘。

小憇檣楮以下荆溪集

笋輿放下倦騰騰，睡倚胡床撼不膺。檣柳細花吹面落，誤揮團扇撲飛蠅。

秋涼晚步

秋氣堪悲未必然，輕寒政是可人天。綠池落盡紅蕖葉，却荷葉猶開最小錢。

淨遠亭晚望

鷓鴣嬌紅野鴨青，為人浮沒為人鳴。忽聞風起仍波起，乃是飛聲與落聲。

淨遠亭午望

城外春光染遠山，池中嫩水漲微瀾。回身小却深簷裏，野鴨雙浮欲近欄。

春寒

春寒儘解粟入膚，敢傍吾儕酒盞無。兩裏杏花如半醉，擡頭不起索人扶。

二月望日勸農既歸散策郡圃

荆溪老守勸農歸，吏散還從郡圃嬉。拾得落英纔一掬，春風苦向掌中吹。今年花事許遲遲，九十春光已半歸。風急杏花吹不脫，落梅無數掠人飛。

社雨

時節從來好雨知，今朝社日頓霏微。落花只得春風舞，溼却殘香不得飛。

午熱登多稼亭

不是城中是甌中，雨餘日色更分明。紅若為飛上金山，頂獨立長江萬里風。

雨後晚步郡圃

風動歸雲帶雨回，不容老子小徘徊。撥忙也到池亭上，昨日卷荷今盡開。

曉坐荷橋

原四

雨後晨前絕爽時，胡床四面是荷池。荷珠細走惟愁落，為報薰風莫急吹。

食雞頭

龍宮失曉惱江妃，也養鳴雞報早暉。要啄稻梁無半粒，只教滿頰飽珠璣。

暮熱游荷池上

原五

也不多時便立秋，寄聲殘暑速拘收。瘦蟬有得許多氣，吟落斜陽未肯休。

月下果飲

原六

月初生處薄雲生，到得雲銷月政明。兩處打更如一處，二更還作四更聲。

秋暑

原三

不教老子略眉開，夏熱未除秋熱來。一夜涼風吹欲盡，半輪曉日喚將回。

七月既望晚觀菱壕

官壕水落兩三痕，正是秋初雨後天。菱荇中間開一

路曉來誰過採菱船

觀蟻

偶爾相逢細問途不知何事數遷居
微軀所饌能多少一獵歸來滿後車
一騎初來隻又雙全軍突出陣成行
策勲急報千夫長渡水還爭一葦航

雨中懶困

城頭欲上苦新泥暖氣薰人軟
欲癡睡又不成行不
是強來看打洛神碑
苦寒

畏暑長思雪繞身苦寒却願柳
回春晚來斜日無多
暖映着西窗亦可人

添盡紅爐著盡衣一盃方覺暖
如癡人言霜後寒無
奈春在甕中渠不知
冰和菜把菜和冰心喜冬
菹口却憎且忍牙車寒一
點教他旬次雪千層

春盡舍舟餘枕雨後山行

原二以下
西歸集
樹樹低來不要梯
溪溪新漲總平堤
杜鵑知我歸心
急林外飛來頭上啼

戲筆

野菊荒苔各鑄錢，金黃銅綠兩爭妍。天公文與窮詩客，只買清愁不買田。

晚登連天觀望越臺山以下南溪集

暮山如淡復如濃，煙拂山前一兩重。山背更將霞萬足，生紅錦障裹青峯。

晚步

晚暑無涼，可得尋小風。一點慰人心，斜陽碎入高榕。菜翻作青瑤，覆作金。

烏賊魚

秦帝東巡渡浙江，中流風緊墜書囊。至今收得磨殘

墨猶帶宮車載鮑香

海岸七里沙原二

行人莫近岸邊行，便恐波頭打倒人。若道岸高波不到，玉沙猶溼萬痕新。

宿南嶺驛原二

茅花似雪復如茸，一望平原淺草中。盡日向人揮玉麈，知將何事語春風。

近岸

十日都無一日晴，牽船客子總斜行。一川黃犢朝朝飽，岸草何曾減寸青。

山雲

春從底處領雲來，日日山頭絮作堆。
戀著好峯那肯去，欲開猶遠兩三回。

秋山以下朝天集

梧葉新黃，柿葉紅，更無烏白與丹楓。
只言山色秋蕭索，繡出西湖三四峯。

和吳監丞景雪中湖上訪梅

聞君踏雪訪梅花，不怕蘇堤十里賒。
老子怯寒那敢出地爐，梢桠是生涯。

讀子房傳

笑賭乾坤看兩龍，淮陰目動卽雌雄。
興王大計無尋覓，却在先生一躡中。

清曉湖上原三

菰月蘋風逗葛裳，出城趁得上番涼。
荷花笑沐燕支露，將謂無人見曉妝。

過霸東石橋桐花盡落

老去能逢幾箇春，今年春事不關人。
紅千紫百何曾夢，壓尾桐花也作塵。

將赴高安出吉水報謁縣官歸塗宿五峯寺原二

以下江西道院集

野寺重來記昨遊，一彈指頃幾經秋。
五峯絕頂雙松樹，相識兒時到白頭。

酴醾初發

一春長是怨春遲，過却春光揔不知。
已負海棠桃李了，再三莫更負酴醾。

荷亭倚欄

魚跳龜戲不曾閑，萍盡荷生尚未繁。
水面圓紋亂相入，玻璃盆旋玉連環。

田家樂

稻穗堆場穀滿車，家家雞犬更桑麻。
漫栽木槿成籬

落，已得清陰，又得花。

宿花斜橋見雞冠花

出牆那得丈高雞，只露紅冠隔錦衣。
却是吳兒工料事，會稽真箇不能啼。

秋山 原二

休道秋山索莫人，四時各自一番新。
西風儘有東風手，枿葉楓林別樣春。

過望亭

原六以下
朝天續集

晴河不似雨中看，晴裏波紋只篋斑。
却是兩河新樣巧，篋間織出小金環。

正月三日約同舍遊西湖原十

南北高峯巧避人，旋生雲霧半橫。橫縱然遮得青蒼面，玉塔雙尖分外明。

瓦店雨作原四

近岸人家欲閉門，遠林煙樹半昏昏。鸚鵡白鷺歸何晚，今夜定投何處村。

過寶應縣新開湖原十

兩隻釣船相對行，釣車自轉不須漿。車停不轉船停處，特地縈車手不停。

小樓晚眺雲日

小樓掛上綠窗櫺，落日孤雲萬態生。碧玉峯巒白銀絲，峯巒暗裏綠偏明。

之官江左舟中梳頭以下江東集

耐痒呼僮理亂絲，一梳一快勝千篦。是中妙處無人會，合眼垂頭到睡時。

春寒

陣陣風寒樹樹斜，不容老子出簷牙。繡簾半捲門偏啓，深倚胡床遠看花。

春陰忽霽

雲膜辛勤護日華，一重殼子一重紗。玉奩忽透菱花

影淡與油窗描杏花

花下夜飲

夜深移入小盃盤回首花枝不忍看豈與海棠情分薄老夫自是怯春寒

聽蟬絕句原八

披襟散髮晚風清細細孤斟緩緩行道是江東官事冗綠楊陰裏聽蟬聲

發孔鎮晨炊漆橋道中紀行原十

夢中一夜雨浪浪曉過田間尚雨香塘水既田能幾許雨餘田水却歸塘

雨入秋田恰及時禾頭相枕卧相依路南路北皆秋水淨洗行人屨上泥
雨入秋空細復輕松梢積得太多生忽然落點拳來大偏作行人滴傘聲

野店二絕句

山店茅柴強一盃梨酸藕苦眼慵開深紅杭子輕紅鮓難得江西鄉味來江西以木葉汁漬鴨子皆深紅曰尤子

炬火發誓節渡勇家店

昨午秋陽尚壯我今晨莫待日光催麻蒸一照三十里底用金蓮花炬來

午熱

也無半點爽風，吹坐轎。分明是甌，炊宿處，問來猶五里。火輪煽得正炎明。

月中炬火發，仙山驛，小睡射亭。原五

踏月何銷，秉炬行也防。月落未天明，果然留下長庚。去更賺行人作曉星。

轎中兀得軟如癡，逢店投床片子時。睡覺不知天曉未，半窗花影水犀枝。

中秋無月宿青戈，江曉行新寒。

新寒催我索衣裳，涼雨淒雲摠是愁。耐冷素娥今老

去夜來桂殿罷中秋

秋花

顛顛牽牛病雨，些凋零。木槿怯風斜道邊，籬落聊遮眼。白白紅紅，遍豆花。

正月四日後圃行散原四

勃姑偶下小梅枝，要看渠儂褐錦衣。柱後藏身教不見，却因不見轉驚飛。

雙鵲營巢浪苦辛，揀條銜折不辭頻。舊條老硬新條韌，却向籬根拾落薪。

傳語春光恰好穠，太穠恐怕惱衰翁。日華五色無尋

處只在蛛絲來去中

清曉出郭原二

偏得春憐，是柳條腰支別作一般，嬌微風不動渠猶舞剛道東風轉舞腰

雨後田間襟紀原五

稻田滴水價千金，溪澗求分不肯分，一雨萬畦都水足，却將傾瀉作溪渾

行到深林麥更深，放低小轎過衆陰，再三傳語春寒道，好爲農家惜綠針

晴路無泥亦未埃，野雲儘薄不全開，滿山都是長松

樹無數，楊花何處來

曉行聞竹雞原二

山行三日厭泥行，幸自今晨得一晴，又聽數聲泥滑滑，情知浪語也心驚

明發茅田見鷺有感

自歎平生老道塗，不堪泥雨又驅車，鷺鷥第一清高底，拂曉溪中有幹無

明發祁門悟法寺溪行險絕

右緣絕壁左深溪，頭上春霖脚底泥，溪裏仰看應落膽，閉窗開轎不教知

溪行盡，霎却穿山，忽有人家併，有田幸自驚，心小寧。
貼誤看，田水作深川。

道旁桐花

春色來時物喜，初春光歸日興，闌餘更無人，餞春行。
色猶有桐花，管領渠。

泉石軒初秋乘涼小荷池上

以下退
休集

芙蓉落片自成舡，吹泊高荷傘柄邊，泊了又離離，又
泊看它走，徧水中天。

歸路過南溪橋

原二

霜風一動嶺雲開，雲外樵歌暮更哀，童子隔溪呼伴

侶併驅水牯過溪來，散半盤料三更雙燕共徘徊。

東園社日

風雨摧殘桃李枝，東園無樹不離披，海棠過後殘花
在恰似，上春初發時。

春日山居雜興

原十二

寒久花遲也大奇，雨膏飽足土膏肥，牡丹芍藥君須
記管取，花房二尺圍。

夏至雨霽與陳履常暮行溪上

夕涼恰恰好溪行，暮色催人底，急生半路蛙聲迎，步
止一癸松火隔籬明。

宿城外張氏莊早起入城

破店無雞報五更，只將夢覺當雞鳴。
忽忽上却籃輿了，隔壁人家政睡聲。

春雨不止

無計奈何春日長，宰予介紹謁羲皇。
蟻繞問陣天又雨，蜂欲春糧花政香。

春雨如毛又似埃，雲開還合還開怪。
來春晚寒如許，無賴桐花領取來。

寒燈

老穉都眠我獨醒，寒燈半點伴三更。
雙花忽作蜻蜓

眼孤焰仍懸玉膽瓶

初夏即事 原十二

從教節序暗相催，曆日塵生嬾看來。
却是石榴知立夏，年年此日一花開。

寒雞

寒雞睡著不知晨，多謝鐘聲喚起人。
明曉莫教鐘睡著，被它雞笑不須嗔。

晚宿小羅田 原二

倒盡菰蒲折盡荷，芙蓉臨水恨無多。
一花却有兩花影，東卧斜陽西卧波。

初夏病起曉步東園
病起烏藤強自扶
三三逕裏曉晴初
鶯聲只在花梢
近行去行來不見渠

廣三大家絕句

詩佛 大窪行

五山 池桐孫

同選

陸放翁

周洪道學士許折贈館中海棠以詩督之

嫋嫋柔絲不自持
更禁日炙與風吹
仙家見慣渾閒事
乞與人間看一枝

七月十四夜觀月

不復微雲滓太清
浩然風露欲三更
開簾一寄平生快
萬頃空江著月明

倚欄

故山未敢說歸期，十口相隨又別離。小雨初收殘照晚，闌干西角立多時。

雨中過臨溪古堠

道邊相送驛邊迎，水隔山遮似有情。歲晚無聊莫相笑，君方雨立我泥行。

食菘原三

采采瓊蔬不待畦，中原正味壓葍絲。挑根擇葉無虛日，直到開花如雪時。

江瀆池納涼

雨過荒池藻荇香，月明如水浸胡床。天公作意憐羈客，乞與今年一夏涼。

華亭院僧房

半闔朱門見綠苔，幽花仍傍小山開。劔南七月暑未退，明日更攜棋簞來。

悠悠馬上困思茶，休歇僧房到日斜。殿背無人綠錢滿，小盆零落珊瑚花。

雲溪觀竹戲書絕句原二

溪光竹色兩相宜，行到溪橋竹更奇。對此莫論無肉瘦，閉門可忍十年飢。

夜寒 原二

清夜焚香讀楚詞，寒侵貂褐歎吾衰。
輕冰滿研風聲急，忽記山陰夜雪時。

城南尋梅 原四

黯淡江天雪欲飛，竹籬數掩傍苔磯。
清愁滿眼無人說，折得梅花作伴歸。

過靈石三峰 原二

奇峰迎馬駭衰翁，蜀嶺吳山一洗空。
拔地青蒼五千仞，勞渠蟠屈小詩中。

試茶

北窗高卧野如雷，誰遣香茶挽夢回。
綠地毫甌雪花乳，不妨也道入閩來。

莆陽餉荔子

江驛山程日夜馳，筠籠初拆露猶滋。
星球皦玉雖奇品，終憶戎州綠荔枝。

建州絕無芡意頗思之戲作

鄉國雞頭賣早秋，綠荷紅縷取風流。
建安城裏西風冷，白棗堆盤看却愁。

泛舟武夷九曲溪，至六曲或云灘急難上遂回。

原二

唐詩集卷之四

放翁

三十四

一葉凌風入峽來，山童指點幾崔嵬。急流勇退平生意，正要船從半道回。

書懷 原五

憶過棲賢見蜀僧，雲堂十月冷生冰。定回簌簌聞窗雪，一椀琉璃照佛燈。

二月四日作

早春風力已輕柔，瓦雪消殘玉半消。潏飛蛛鳴鳩俱得意，東風應笑我閒愁。

小園 原四

小園煙草接隣家，桑柘陰陰一迳斜。卧讀陶詩未終

卷又乘微雨去鋤瓜

秋日聞蟬

斷角斜陽觸處愁，長亭搔首晚悠悠。世間取是蟬堪恨，送盡行人更送秋。

蔬圃絕句 原七

瓦壘浮屠盆作池，池邊紅蓼兩三枝。貪看忘却還家飯，恰似兒童放學時。
衝雨衝風不怕寒，晚來日出短簑乾。遶畦拾塊真為樂，莫作陶公運甕看。

病中

蘇東坡詩集

放翁

三五

酒味醺人睡味濃，午時高枕到昏鐘。經旬不見西窗日，世上應無嬾似儂。

雨後散步後園 原二

澤國霜遲木未疎，秋來更覺夢吾廬。芭蕉綠潤偏宜墨，戲就明窗學草書。

月下

月白庭空樹影稀，鵲栖不穩繞枝飛。老翁也學癡兒女，撲得流螢露溼衣。

初冬雜題 原六

五斗安能解醉醒，普騰睡眼怯窗明。策勳賴有春芽

在卧聽山童轉磴聲

雨中自項里夜至新塘捨舟步歸

樺炬如椽點不明，還家潦水與階平。一盃濁酒頽然睡，恍似金牛夜下程。

天如漆黑泥沒踝，老健猶能蹠蹕歸。長晷爐香支枕看，終年只合掩柴關。

宿石帆山下 原二

繫船禹廟醉如泥，投宿漁家月向低。溼翠撲人濃可掬，始知身在石帆西。

卽事

組繡紛紛銜女工，詩家於此欲途窮。語君白日飛昇法，正在焚香聽雨中。

入城寓榻開元

羸童倦馬困長堤，借榻禪房日未西。熟睡覺來閒隱几，庭楸陰轉乳鴉啼。

雜題 原六

山家貧甚亦支撐，時撫桐絲一再行。朝甑米空烹芋粥，夜缸油盡點松明。黍醅新壓野雞肥，茆店酣歌送落暉。人道山僧取無事，憐渠猶趁暮鐘歸。

觀梅至花溼 原二

春暎山中雲作堆，放翁艇子出尋梅。不須問信道傍吏，但覓梅花多處來。

春雪

江雲垂野雪如簷，閏歲春來特地遲。倒盡酒壺終日醉，卧聽兒誦半山詩。

晝眠

困睫瞢騰老孝先，龜鱗布被早霜天。珥貂碧落應無分，且向人間作睡仙。

十一月四日風雨大作 原二

風捲江湖雨，閭村四山聲。作海濤，翻溪柴火，輒登壇。煖我與狸奴，不出門。

贈粉鼻名畜猫也

連夕狸奴磔，氣頗怒。髻喫血，護殘困。問渠何似朱門裏，日飽魚飧睡錦茵。

秋晚

畚搜入甌，香炊玉壓酒。鳴槽滴碎珠，甲第朱門漫。豪侈山家風味定，應無。

山村書所見

老枳垂藤晝常黑，鵞聲作嬰兒啼。伐薪婦來過急。

雨石路下山如踏梯

荒坡茫茫牧牛童，板角上背捷如風。晉間一枝搢枯竹，橫吹短笛過村東。

雜詠園中菓子原四

山杏谿桃本看花，累累成實亦堪誇。塩收蜜漬饒風味，送與山僧下夜茶。

初夏

買得新船疾似飛，蠶飢遙望采桑婦。越羅蜀錦吾何用，且備幽人卒歲衣。

東窗

萱草石榴相續開，數枝晚筍破蒼苔。背人紅練穿林去，直是無情不再來。

小舟遊近村捨舟步歸

數家茆屋自成村，地確聲中晝掩門。寒日欲沈蒼霧合，人間隨處有桃源。

急雨

急雨清風散土香，靈臺如受寶犀涼。華胥一枕遽然覺，却聽蟬聲送夕陽。

北園雜詠原十

閑伴隣翁去荷鋤，林疎厖厖見村墟。怪生白鷺飛無

數水落灘生，易取魚。

短筇行樂出柴荆，雪意闌珊却變晴。林際已看春雉

起，屋頭還聽歲豬鳴。

歲殘已似早春天，隔水橫林一抹煙。聞道埭西梅半

吐，攜兒閑上釣魚船。

感舊原四

百堂小益寂初程，朱棧青崖照眼明。十日經行圖障

裏，時時馬上聽鶯聲。

舟中原三

拖邊潮水落，還生蓬底寒。燈滅復明約，束長年牢繫

纜報人風雨有雷鳴

致仕後即事 原十五

休官拜命不勝榮墨溼黃新照眼明
絡繹交親來作賀腔羊酒擔擁柴荆
初過寫臺鳳閣來清晨初拆驛書開
繡箱香案迎門拜身著朝衫止此回

新寒 原二

碧蝶飛飛過短籬山薑石竹有殘枝
誰知老子閑眠處恰是新寒細雨時
早飯後戲作

湯餅滿盃肥豕香更留餘地著黃梁
解衣摩腹西窗下莫怪人朝作飯囊

髻鬢主簿方用事冰壺先生來解圍
蜜童取火炷香椀不讀南華誰與歸

倚闌

滿庭晴日破朝寒粥罷披裘小倚闌
殘菊抱叢香欲盡一株南燭獨如丹

夜坐

夜永霜濃睡不成團藥兒女話無生
金蓮妄想消除盡一椀松肪徹曉明

龜堂雜興 原十

三分帶苦，檜花蜜一點，無塵柏子香。鼻觀舌根俱得，
道悠悠誰識。老龜堂

小橋

漠漠輕陰隱隱，雷石榴半落，點莓苔。小橋西北闌干，
角獨岸，綸巾待雨來。

雨晴風日絕佳，徙倚門外 原三

一雙芒屨伴節枝，不用兒扶自出。嬉貪看南山雲百
變，舍西溪上立多時。

枕上 原二

斷香猶在夢初回，燈似孤螢闌復開。怪底詩情清徹，
骨數聲新鴈枕邊來。

食晚

日高得米，喚兒齋苦。雨園蔬久闕，供省事。家風君看，
取半飢半飽，過殘冬。

禹寺

暮春之初，光景奇。湖平山遠，最宜詩。尚餘一恨，無人
會不見，蟬聲滿寺時。

小池

荷鋪庭中破嫩苔，清溝一派引泉來。剪刀草長浮萍

合無數遊魚去復回

偶得雙鯽原二

酒興森然不可回重陽未到菊先開一雙潑刺明吾
眼催喚厨人斫鱠來

雨過行視舍北菜圃因望北村久之原二

吳牛鬻草卧斜陽烏桕青紅未飽霜急趁路乾來寓
目十分閑事却成忙

漁翁原二

船入蘆花日暮時雙瞳炯炯鬚如絲世間豈少磻溪
叟老向煙波人不知

夏初湖村雜題原八

嫩日輕風夏未深曲廊倚杖得閑吟地偏草茂無人
迹一對芙蓉難下綠陰

幽禽兩兩已成巢新竹森森漸放梢榴穠作陂先蓄

水野堂防漏却添茅

夜吟原二

六十餘年妄學詩工夫深處獨心知夜來一笑寒燈
下始是金丹換骨時

縱筆原四

坊遠不聞宮漏聲三茅鐘殘窗欲明山童睡熟呼不

應添水拂書翁自行

湖中微雨戲作

搓罷青梅拍爪香一盃聊復答年光莫言老子無人
顧猶得西施作淡妝

書懷

首落堆盤莫笑貧家園瓜瓠漸輪囷但令爛熟如蒸
鴨不著鹽醃也自珍

夢行小益道中

棧雲零亂馱鈴聲驛樹輪囷樺燭明清夢不知身萬
里只言今夜宿葭萌

春晚出遊

原六

柳暗人家水滿陂放翁隨處曳筇枝村深麥秀蠶眠
後日暝鳩鳴鵲乳時

筍絕句

列仙閱世獨清癯雪谷冰谿老不枯輸與錦棚孩子
輩千金一束入天廚

夜雨

暮雨蕭蕭集瓦溝空階點滴送清愁何由乞得須臾
睡直到窗明滴未休

卽席

原四

小山榴花照眼明，青梅自墮時有聲。
柳橋東岸倚筇立，聊借水風吹宿醒。

斫鱸

玉盤行膾簇青紅，輸與山家淡煮菘。
要識坐堂哀敵鯨，試來臨水看鯨馮。

雜興 原十

冰壺冷浸玉芙蓉，三伏炎蒸一點無。
淨洗硯池瀦墨，潘乘涼要奮故人書。

晚歸

梅市橋邊弄夕霏，菱歌聲裏棹船歸。
白鷗去盡還堪

恨不為幽人，煖釣磯。

大雪

海天黯黯萬重雲，欲到前村路不分。
烈風吹雪深一丈，大布縫衫重七斤。

貧甚戲作絕句 原八

北齋孤坐破三更，庭戶無人月自明。
數種袴襦秋未贖，羨他隣巷搗衣聲。

農桑 原四

農事初興未苦忙，且支漏屋補頽垣。
山歌高下皆成調，野水縱橫自入塘。

水長人家浸稻秧，蠶生女手摘桑黃。差科未起身無事，鄰曲相過日正長。
蠶如黑蟻，稻青鍼。夫婦畊桑各苦心，但得老親供養足，不羞布袂與蒿簪。

午暑

笛材織簟涼如水，霧縠縫幮薄若空。更著高安竹根枕，不妨專享北窗風。

煙波卽事

雕胡炊飯芰荷衣，水退浮萍尚半扉。莫爲風波羨平地，人間處處是危機。

醉歸

夜分飲散酒家墟，歸路迢迢月滿湖。小豎竊言翁未醉，入門猶記露菖蒲。

夏日原四

颼颼風露髮根涼，月落菱歌盡意長。分得鏡湖纔一曲，喫虧堪笑賀知章。

新闢虛堂痛掃除，蕭然終日屏僮奴。此間恐是維摩室，除却蓆牀一物無。

貧病戲書原二

得米還憂無束薪，今年真欲甑生塵。推奴跣婢皆辭

去始覺盧仝未苦貧

閑遊 原二

一見溪山病眼開，青鞵處處踏蒼苔。平生長物掃除盡，猶帶筆床茶竈來。

節物

節物猶關老病身，鄉儺佛粥一年新。檐間百舌還多事，探借園林十日春。

落花

山杏溪桃次第開，狂風正用此時來。未妨老子凭欄興，滿地殘紅點綠苔。

即事 原八

煙雨淒迷晚不收，疎簾曲几寄悠悠。一雙蛺蝶來何許，點盡青青百草頭。

題畫薄荷扇

薄荷花開，蛺蝶翻風枝。露葉弄秋妍，自憐不及狸奴點爛醉，籬邊不用錢。

一枝香草出幽叢，雙蝶飛飛戲晚風。莫恨村居相識晚，知名元向楚辭中。

十月九日

酒開甕面，撲人香菊折霜餘。滿把黃，我是化工君信。

否放_下遲_二一月_上作重陽_上

Blank page with vertical lines for text.

宋百家絕句

菱湖先生選
懷中橫本四冊

康熙御撰題畫詩類

橫本全四冊

佩文齋詠物詩選

橫本二冊

曹學詮選晚唐詩選

寸路本全四冊

范石湖
楊誠齋
陸放翁三家絕句箋解

淡齋先生全三冊

石湖誠齋
放翁三家妙絕

寬齋先生全一冊

體宋詩選

五山先生校
小本二冊

采風集

當時名家詩集

文化九年壬申九月

書林

京堀川通佛光寺下

植村藤右衛門

大坂心齋橋南久寶寺町

永本兵衛

江戸本石町十軒店

英平吉

江戸日本橋通二丁目

山城屋佐兵衛

早稲田大学図書館

011888008936